



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm I. Canonum.

[urn:nbn:de:hbz:466:1-62559](#)

Decret. Greg. Lib. I. Tit. II. Cap. I.
TITVLVS II.
DE CONSTITUTIONIBVS.

Dicitur iacta Fidei Catholicæ fundaments, agitur de Constitutionibus, sive legibus ecclesiasticis, qui & sacri canones appellantur; atque explicantur, quæ eorum vis sit, & obligatio. Sermo autem hic est non de canonibus sive decretis Fidei, quæ adeò certam & infallibilem ex diuina revelatione veritatem obtinent, ut nullo vñquam tempore mutari, aut abrogari queant; sed de canonibus, seu decretis morum, quæ ab humana Prælatorum ecclesiasticorum voluntate ita dependent, vt, licet recte & salubriter condita sint, tamen ob temporum, locorum, & aliarum circumstantiarum varietatem, mutari, & per desuetudinem, vel constitutionem contraria, vel omniō tolli, vel saltē ex parte per dispensationem eis derogari possit.

CAPITVLVM I.
Canonum.

S V M M A R I V M .

1. Sacri canones ab omnibus Christianis obseruari debent.
2. Homines non baptizatis ipsi q̄, catechumeni ecclesiasticis legibus ac paenitentiis affecti reguntur: sed alia ratio est de hereticis & apostatis.
3. Leges & canones seruari debent ab omnibus secundum accommodationem. Vid. iis, quorum respectu conditi sunt.
4. Lex omnis generaliter fertur; & nulla proprie sunt leges personales.
5. Privilégia non sunt propriæ leges.
6. Rescripta Principis quā ratione leges rationem habere possint.
7. Sacri canones circa materiam ecclesiasticā versantes etiam à laicis obseruari debent. Quod si contra huiusmodi canones, legibus ciuilibus quidpiā statutum reperiatur, ea abolita censeri debent.
8. Leges ciuilis circa poliūca materias.

- nonico iure nihil peculiariter statutum sit, etiā in foro ecclesiastico vim obtinet.
9. Potestas ecclesiastica & potestas ciuilis se mutuo adiuuare debent. Clerici quo ad vim directiūam obligantur ciuibus legibus Reipubl. cuius membra sunt.
 10. Si casus politicus in ciuali iure indecisus in canonico iure decisionem habeat, tūc canon etiam in ciuali foro allegari, & secundam eum iudicari debet.
 11. Si in materia politica aliter lege ciuali, & aliter lege ecclesiastica statutū sit, tunc lex ciuali in foro ciuali, & lex canonica in foro ecclesiastico obseruanda est.
 12. Discriumen hoc in iis maxime locum habet, quæ ad iudicium ordinationis spectant. At vero in spectantibus ad decisionem causarum, index attendet ad statuta & consuetudines loci, ubi partes obligationem contraxerant.
 13. Index secundum legum publicarū prescriptum indicare cogitur, nisi quod interdum episkopis locis esse possit.
 14. In criminalibus causis, ob varietatem circumstantiarum, relinquuntur Iudicibus, prorsim maiorib⁹ magistratib⁹, arbitrandi facultas, sine ad pœnam augendam, sive. & quidem frequentius, ad minuendam.
 15. Si causa à legis littera per episkopiam discedendi evidens sit, index inferior seu subordinatus non cogitur ad Superiorē referre, secūs, si causa dubia sit.
 16. Interdum per legem indeterminate ac generatim decernitur, grāvia v. g. indicia criminis requiri ad capturam, aut torturam: Interdum causa exempli declaratur, quanam grāvia indicia cœseantur. In his autem Iudicis arbitriū non penitus excluditur.
 17. Si casus nec per legem, nec per stylum Curie decisionem habeat, Index sequi debet sententiam Doctorum communē; quippe qua probabilior esse cœsetur.

18. Vnū

De Constitutionibus.

5

18. *Vnius Doctoris sententiam interdum plurimi alii sine maiore aliqua examinatione sequuntur.*
19. *Glossa magna, & maior, quam aliorum Doctorum, auctoritas censetur; praterquam si communiter, seu à pluribus, reprobata sit.*
20. *Glossa inaniter allegatur sine textu, si ipsumius expressum habeatur.*
21. *Si Glossa plures opiniones referat, censere debet approbare postremam.*

Sumptum est hoc c. ex Concilio Melden-
si (vti Iuo refert p. 5. cap. 171.) in quo
præcipitur, vt sacri canones ab omnibus obseruentur; Et nemo in ecclesiasticis actionibus, aut iudiciis, proprio sensu, sed corundem auctoritate ducatur:

Idem quoque de legibus ciuilibus decre-
tum est in l. 3. C. de legib. vt ab omnib⁹ aqua-
nimenter obseruentur. Sed declarari id debet
primo; Intelligendum esse de iis duntaxat,
qui ad eandem Rempabl. spectant, siue ma-
gistratui Legislatori subsunt, sicuti indicatur
in l. 2. ff. eod. quod lex communis sponsio sit,
ad cuius prescriptum omnes, qui in ea Republ.
sunt viam instituere debent.

Ex quo prouenit, quod homines non ba-
ptizati, ipsique catechumeni legibus ac poenis ecclesiasticis non obligantur, cum Ecclesiae subiecti non sint, c. gaudemus 8. de diuor-
tiis, c. de Iudæis 5. d. 45. vbi tamen admone-
mur, aliter sentiendum de haereticis, quippe
qui per fidem & Baptismum Christi suscep-
tum, Ecclesiæ membra facti sunt: Quam-
obrem si ab ea recesserint, etiam inuiti ad obedi-
entiam, & sacrorum canonum obserua-
tionem, censuris ac poenis compelli possunt.

Declarari debet secundo; Quod sacri ca-
nones, sicuti & aliæ leges, ac statuta, seruari
debent ab omnibus, secundum accommoda-
tionem, iis videlicet, quorum respectu, atque
obligandi intentione, lata sunt. Non enim
canones & leges semper communiter tendunt
ad omnes, qui subdit, seu eiusdem Reipubl.
membra sunt; sed frequenter ad unius gene-
ris, conditionis, negotiationis personas, aut
certæ prouinciaz, ciuitatis, aut loci incolas.

sicuti bene explicauit huius c. textum Franc.
Suarez tract. de legibus lib. 1. cap. 6.

Nec refert, subinde mentionem fierilegis **4**
priuatæ, ac personalis, quæ ad particularem
personam duntaxat tendit, vt in l. 1. ff. de Cō-
stitut. Principum, quod quedam sunt leges
personales, nec ad exemplum trahuntur:
Nam qua Princeps alicui ob merita indulſit,
vel si pœnam irrogavit, vel si cui sine exem-
pli subuenit, personam non egreditur, ait Vl-
pianus Iurecons. & Glossa hic verb. canonū,
quod quidam sunt canones personales; Hæc
enim intelligi non possunt de propriè dicta
lege, aut canone; cum lex omnis sit commu-
ne pluribus præceptum, l. 1. ff. de legibus, in
communitate permanens, vimque obligandi
habens; sicuti dicitur in l. 2. ff. eod. Lex est,
cui omnes homines decet obedire. Et l. 7. ff.
eod. Iura non in singulas personas, sed gene-
raliter constituantur.

Iaque priuilegium, quæ tale, legis rationē
propriè non habet, vt rectè tradit Suarez in
cit. cap. 6. & lib. 8. de legib. c. 1. partim, quia
particularem personam respicere potest, ita
vt ad alias non pertineat; partim, quia obli-
gationem respectu eius, cui datum est, non
continet: siquidem inuitio beneficium non
datur, reg. 70. ff. Et nemo priuilegio vti co-
gitur. Interim vero priuilegium frequen-
ter legis rationem habet quoad alios, quibus
præcipitur, vt illud obferuari faciant; aut
prohibetur, ne impedian, aut se opponant;
dummodò priuilegiū sufficenter ipsis pro-
mulgatum, aut cognitum sit.

Simile quiddā de Principis rescripto tradi-
solet: Quatenus enim illud in certa causa, &
erga certam personam ex Curia prodit, legis
rationem habere non potest, vt rectè tradit
Felin. in rubr. de rescriptis; sed quatenus ad
alios ex Principis voluntate extenditur, le-
gis naturam sortitur: Puta si tale rescriptū in
corpori iuris positū sit, vel etiam ab inferio-
re, qui statuēdi ius habet, inter statuta munici-
cipalia, vel synodalia collocatū, teste Felin. ib.
Vel si definitius sententia, aut iuris alicuius
interpretatio à Principe facta in rescripto, ad
iudicem inferiorem missa sit, omnibus iudi-
cibus legis instar esse debet, non tantum in

A 3

illa

illa causa, sed aliis quoque similibus, l. vlt. C. de legibus.

7 Insuper Notandum I. circa verbum ab omnibus; Quod canones, siue leges ecclesiasticae non tantum a Clericis, sed etiam laicis obseruanda sint, cum omnes pariter eo ipso, quod fidem & Baptismum Christi suscepunt, ecclesiasticae iurisdictioni subiectantur, c. nouit 13. de iudicis. Intelligi autem hoc debet de canonibus circa materiam ecclesiasticae versantibus, vid. in causis piis, aut periculum peccati concernentibus, &c., ut breuiter dicam, iis omnibus, quae per se ac directe ad salutem animae diriguntur.

Quod si in eiusmodi ecclesiastica materia contrarium aliquid ciuiili lege statutum reperiatur, ea abolita censeri debet, vt secundum talem legem ne in ciuili quidem foro agendum, aut iudicandum sit, sicuti habetur in c. 1. & seqq. d. 10. Tales sunt Cæsareæ leges v. g. que usuras lucrativas approbant, præscriptioni cum mala fide, seu conscientia iuris alieni assistunt, mulieri intra annum viduitatis nubenti poenam decernant, nuptias absque patris consensu contractas irritas esse pronuntiant, &c. Sin autem a ciuili Magistratu leges circa materiam ecclesiasticae ferantur, sacris canonibus non aduersantes, quam ea vim habere possint, dicetur infra hoc tit. c. Ecclesia 10.

8 Sed quid, vice versa, sentiendum de legibus ciuilibus circa materiam politicam, num ea etiam inter clericos, aut in foro ecclesiastico obseruationem, obligationemque habent? Respondeo & dico I. ex doctrina Gl. in reg. 2. ver. possessor in 6. Fel. c. Ecclesia n. 40. ibid. Abbat. n. 15. & seqq. hoc sit. Si circa materiam politicam canonico iure nihil peculiariter statutum reperiatur, tunc leges ciuiles etiam in ecclesiastico foro allegari, & secundum eas iudicari debet, vt expressè habetur in c. 1. de noui operis nunciat. Ex quo haec doctrina colligitur, quod leges politicae, præsertim Cæsareæ, approbatæ & canonizatae sint ab Ecclesia, si nihil contrarium canonico iure decretum reperiatur. Rationes huius doctrinæ dari debent: Prima, ex eod. c. 1. desumpta: Quia expedit, vt duæ

potestates, ciuilis & ecclesiastica, in Christi Ecclesia se mutuo adiuvent: Et cum secularis Magistratus canonum statuta in causis ecclesiasticis, seu ad animæ salutem pertinentibus, suscipere cogatur, æquum & congruum est, (licet absolute loquendo non obligatorum) vt ecclesiasticus Magistratus leges ciuiles de causis politicis iuste latas, ultero luscipiat & veneretur. Altera. Quia leges ciuiles à legitimo Magistratu feruntur per potestatem à Deo acceptam, vti Apostolus testatur ad Rom. cap. 13. & bene hic annotauit Abbas n. 9. Si lex ciuilis non est peccati nutritiva, seruanda est etiam in foro animæ: nam ex quo lex ista est, autoritate Dei edita est; & ipse Deus videretur edidisse per ministros suos. Quà autem ratione clerici, seu ecclesiasticae personæ his legibus ciuilibus, quo, ad vim directiua, nō autem coactiua, obiligantur, explicaui in mor. Theol. lib. 1. tract. 4. c. 13. n. 1.

Corollarium. Si casus aliquis politicus, spectato iure ciuili dubius, & non satis decisus sit; at verò in iure canonico decisionem habeat, tunc etiam in ciuili foro canon allegari, & secundum eum iudicari debet. Ita ex communi DD. in c. super literis, vbi id dicam de rescriptis, Felin. in cit. c. Ecclesia n. 49. Ratio est, quanta suprà indicaui, quia ciuilis & ecclesiasticus magistratus se mutuo adiuvent: Sicut leges non dedignantur sacros canones imitari, ita & sacrorum canonum instituta Principum constitutionibus adiungantur, c. 1. de noui operis nunciat.

Dico II. Si in materia politica altera lege ciuili, aliter verò legi ecclesiastica statutum sit, tunc lex ciuilis in foro ciuili, lex autem canonica in foro Ecclesia seruari debet. Ita Gl. communiter recepta in c. 2. ver. lex ciuilis, de arbitris in 6. Gl. in cit. reg. 2. eod. lib. ver. possessor, vbi ait: Papa non potest tollere leges quoad iudicium seculare, nisi in iis, in quibus vertitur periculum animi, cum potestates sint distinctæ, videlicet ecclesiastica a seculari.

Hæc autem doctrina quād maximè locum habet in pertinentibus ad ordinationem iudicij, iuxta cit. c. 2. de arbitris in 6. Quoad ordi-

ordinationem iudicij, inquit Abb. in cit. c. Ecclesian. 24. attenditur locus, ubi iudicium exercetur. Exempli causa, si de crimen vñtræ clericus aduersus laicum agat coram iudice seculari, processus fiet non summarie & de plano, sed obseruatâ ordinariâ figurâ iudicij, sicuti in ciuili foro moris est, teste Gl. in Clem. dispendiosam, ver. vñtris, de iudicis. Item, si laicus coram ecclesiastico iudice agat contra clericum, poterit ille appellare à sententia interlocutoria; vel omisso medio, ad Rom. Pontificem, sicuti in foro ecclesiastico permisum est. Sed alia ratio est quoad ea, quæ ad causarum decisionem spectant: In his enim judex quicunque, sive ecclesiasticus sive secula, ... attendere debet ad statuta & consuetudines, ex quibus litigantes per pacta, ultimas voluntates, delicta, &c. obligationem contraxerunt, sicuti Abb. annotavit in cit. c. Ecclesia n. 25. & 44. & dicam de hoc infra in eod. c. Ecclesia.

13 Notandum 1. eo verbo: *Nemo suo sensu, &c.* Iudex, præsertim Principi subordinatus, sive non supremus, non ex proprio sensu & arbitrio, sed secundum publicas leges, & Maiorum auctoritatem, iudicare debet. Consentit cap. 3. d. 4. ex quo colligitur, quod iudex non de legibus, quas constat legitima auctoritate latas, & receptas esse, iudicare debeat, num ex iustæ sint, sed secundum earundem præscriptum.

Veruntamen cum non omnes casus speciales una lege vniuersali comprehendi possint, ideo quandoque Iudici concessum est, occurrente graui circumstantia, secundum epiikianâ litera, seu externo quasi cortice legis recedere, non item à mente legislatoris: quando ita res comparata est, vt prudenter estimare posset, si legislator præfens adesse, quod aliter in hoc cau, quam in lege sua vniuersim præscriptum erat, iudicare.

14 Itaque maximè locum habet in poenis legi decretis ob maleficia, vti Innoc. super hoc annotavit. Tametsi enim, si ob crimen aliquod certa poena legibus decreta sit, eam Iudex (excepta plenitudine potestatis supremæ ordinariæ augere, aut minuere non posse, l. in fine, C. ad S. C. Turpilianum, & doc-

cet S. Tho. 2. 2. q. 67. a. 2. Gl. in c. licet 3. ver. poenam pecuniariam, de poenis: si quidem nihil tam Reipubl. perniciosum est, quam si Iudices arbitraria faciant ea, quæ à lege corruptam definitionem habent; attamen, propter varias circumstantias & qualitates cum delictorum, tum personarum delinquentium, nec non locorum, in quibus iudicium agitur, non parua Iudicibus arbitrandi facultas permissa est, sive ad poenam augendam, sive, & quidem frequentiū, ad minuendam, l. respiciendum 1. l. hodie 13. l. aut facta 16. ff. de poenis, & bene declarat Prosper Farinacius in praxi criminali q. 17. n. 6. & 7. Atque de consuetudine Imperij testatur Andr. Gaill lib. 2. de pace publ. cap. 9. n. 22. vbi addit, id maximè in maioribus magistratibus receptum esse: minores autem, Principe inconsulto, id agere non oportere, præsertim post latam condemnationis sententiam.

Videri potest Felinus hic n. 48. & seqq. 15

vbi plures casus enumerat, in quibus Iudex aut Officialis à præscripto legum ac præceptorum recedere possit, ob causam magnam & urgentem. Limitat vero n. 50. nisi Superior in tali casu consuli possit. Quam tamen limitationem necessariam non arbitror, si causa evidens sit, cum ipsam iuris huiusmodi epiikian, seu arbitrandi facultatem Iudicii permittant, vti videre licet in suprà allegatis legibus. Sin autem causa dubia sit, tum Superior, non tantum si præfens sit, sed etiam absens, consuli debet, dummodo id fieri possit. Idque sumitur ex l. 1. C. de legibus, vbi Imperator ait: *Inter agitarem, iusq; interpositam interpretationem nobis solis & operaret, & licet inspicere.*

Cæterum interdum lex indeterminata ac 16 generatim statuit quidem, v.g. in criminalibus ad capturam, aut torturam criminis deueniendum non esse, nisi grauia criminis indicia habeantur; Item, si homini metus grauis, aut iniuria atrox illata fuerit, ita iudicii iudicandum esse; Interim non satis definiendo, quænam indicia grauia, quæ iniuria atrox censi debent, cum talia generalibus legibus, ob negotiorum ac circumstatiarum varietatem, definiri vix possint; in huiusmodi ca-

di casibus Iudicis cuiusque arbitrio , secundum facti , & personarum qualitates , multum relinqui debet , iuxta suprà cit. l. aut facta.

Solet quidem interdum in lege speciatim designari, quinam v.g. metus grauis, quæ atroc inuria censenda sit, aut quænam sufficiencia ad torquendum reum indicia; sed id ferme tantum exempli loco fit, vt videre licet in criminali Caroli V. Cæsaris processu Iudicibus præscripto , & videri possunt, quæ docui mor. Theol.lib. 1. tr. 2. c. 6. n. 5. Iudex vero iis , quæ lege definita sunt, diligenter consideratis, ad paria , seu similia procedere inde, arg. ita ius dicere debet , l. non possunt 11. ff. de legibus.

17 Addunt porro Abb. h̄c n. 15. Fel. n. 54. & alij; Si casus neque per leges, neque per consuetudinem seu Curia stylum , decisionem habeat , quod Iudex in iudicando adhærere debeat Doctorum opinioni communi. Ratio est: quia Iudex , cùm inter partes litigantes arbiter constitutus , quid vel quantum cuique juris competat, definire debeat, quæ probabiliora , seu veritati ac iustitiæ magis consentanea sunt, sequi cogitur, vti docui lib. 1. Theol. moral. tr. 1. c. 5. n. 16. Sententia autem , cui plerique seu communiter omnes in eo genere periti adhären, probabilior & veritati magis consentanea est: Ergo Iudex in iudicando eam sequi cogitur.

18 Limitari, seu de clarari debet, Quod interdum vnius Doctoris sententiam v.g. Bartoli, aut Abbat. Panormitani, alii plurimi, si ne maiore aliqua examinatione sequantur. Tunc fieri potest, vt ea per nouas, ac solidas rationes de falsitate ab uno, aut pluribus Doctoribus conuicta sit, adeoque pauciorum sententia præferri non immerito posuit, vti apertè indicatur in l. 1. C. de veteri iure enucleando, ibi: Sed neque ex multitudine autorum, quod melius est, iudicatore; cum possit vnius forsitan & deterioris sententia & multos & maiores aliqua in parte separare, vbi Gl. marginalis ait, Ponderanda sunt sententia, non numeranda. Consentire videtur c. Capellanus 4. de fériis.

19 Deinde limitat h̄c Felin. n. 54. post Bar-

tolum in l. vt vim 19. n. 8. ff. de iustitia & iure: quod auctoritas Glossæ contra opinionem communem prævalet. Quæ tamen limitatio non placet, quin potius ita dicendum: Licet magna, &c. si cætera paria sint, maior sit Glossæ, quam alterius Doctoris auctoritas; quippe cùm digna iudicata fuerit, vt ad canonis aut legis declarationem, in iuris corpore ponatur, nulla tamen Glossæ ratio habenda est, contra quam alii plerique Doctores st̄nt, eiūisque doctrinam per iura & rationes reprobant. Quâ de re videri potest Zasius singular. respons. cap. 7. quem refert & sequitur Gaill lib. 1. obseruat. praet. obs. 153. n. 7. & 8. reprehendentem eos, qui ab uno homine, videl. Accursio, s̄p numero lapsi, constitutionis intellectum pendere existimant. æquitate, literâ & naturâ eius posthabitis.

Quædam h̄c obiter adiicienda: I. Quod 20 And. Gaill admonet cit. n. 8. Glossam inaniter allegari absq; textu, si ipsum ius expressum habeatur. Quæ reprehensio etiam in eos cadit, qui Doctorum auctoritates cumulant, prætermisso canone aut lege, ex qua tota doctrina accepta est.

II. Ex Felino h̄c n. 55. Si Glossa plures 21 opiniones referat, censenda esse approbare postremam; nisi aliud ex verbis eius coligi possit. Quod etiam de aliorum Doctorum scriptis sentiendum est.

CAPITVLVM II.

Cognoscentes.

P A R A P H R A S I S.

Qui culpâ caret, damnum aliquod sustinere nō debet. Quare lex de nouo promulgata ad facta præterita, seu antecedentia non extenditur; ne alioquin legis prohibitionem, (aut præceptionem) ignorantes, detrimentum aliquod incurvant.

S V M M A R I V M.

- Res, que culpâ caret, in damnum vocari non conuenit, nisi inter contrahentes conuentum sit, vt etiam casus fortuitus & inculpatus prestat, aut ob publicum bonum